

# SAKSFRAMLEGG

---

Sakshandsamar: John Olaf Røhme  
Arkivsaksnr.: 16/2714

Arkiv: H3

---

## **Forskrift om tildeling av langtidsopphald i sjukeheim eller tilsvarande bustad særskilt tilrettelagd for heildøgns tenester - kriterium og venteliste**

### **Rådmannen si tilråding:**

Kommunestyret vedtek *Forskrift om tildeling av langtidsopphald i sjukeheim eller tilsvarande bustad særskilt tilrettelagd for heildøgns tenester – kriterium og venteliste*, slik den ligg føre.

## **Saksutgreiing:**

### **Prenta vedlegg:**

Forskrift om tildeling av langtidsopphald i sjukeheim eller tilsvarende bustad særskilt tilrettelagd for heildøgns tenester – kriterium og venteliste.

### **U-prenta vedlegg:**

Skriv av 24.6.2016 frå Helse - og omsorgsdepartementet: *Lovendring om rett til opphold i sykehjem eller tilsvarende bolig særskilt tilrettelagt for heildøgns tjenester.*

### **Samandrag:**

Stortinget har vedteke lovendringar der føremålet er å tydeleggjere retten til langtidsopphald i sjukeheim eller tilsvarende bustad særskilt tilrettelagd for heildøgns tenester, samt utarbeiding av venteliste. I lovendringane ligg at kvar kommune får ei plikt til å utarbeide forskrift med kriterium for tildeling av slike plassar samt utarbeiding og bruk av venteliste. Regjeringa vil innføre nasjonale kriterium når det er gjort erfaringar med kommunale forskrifter.

I tråd med krav i forvaltningslova har framlegg til forskrift vore ute på høyring. Det har ikkje kome inn merknadar til framlegget og saka vert lagt fram for kommunestyret for vedtak.

### **Fakta:**

Den 13.6.2016 vedtok Stortinget lovendringar i pasient - og brukerrettighetsloven og helse - og omsorgstjenesteloven. Føremålet med lovendringane er å tydeleggjere retten til langtids - opphold i sjukeheim eller tilsvarende bustad særskilt tilrettelagd for heildøgns tenester.

Lovendringa gjeld frå 1.7.2016. Retten er presisert i pasient- og brukerrettighetsloven § 2-1e første ledd. Av lova går det fram at dersom ei helse og omsorgsfagleg vurdering tilseier at det einaste kommunale tilbodet som kan sikre pasient/bukar nødvendige og forsvarlege helse- og omsorgstenester er i sjukeheim eller tilsvarende bustad, er dette ein rett pasient/bukar har.

Kommunen si plikt til å tilby slike tenester er skildra i helse- og omsorgstjenesteloven § 3 2a. Den nye § 3-2a andre ledd i helse- og omsorgstjenesteloven gjev kvar kommune plikt til å utarbeide communal forskrift med kriterium for tildeling av langtidsopphald i sjukeheim eller tilsvarande bustad. Forskrifta skal omfatte pasientar/bukarar som vil vere best tente med langtidsopphald i sjukeheim eller i tilsvarende bustad særskilt tilrettelagd for heildøgns tenester, men også der kommunen vurderer at vedkommande sine behov kan dekkast med forsvarleg tenester i heimen medan dei ventar på langtidsopphald. Pasientar/bukarar som med forsvarleg hjelp kan bu heime medan dei ventar på plass, har rett til vedtak. Vedtaket inneber at han/ho er kvalifisert for langtid opphold i sjukeheim eller tilsvarande bustad, og skal stå på venteliste.

Ny § 3-2a 4. ledd i helse- og omsorgstjenesteloven pliktar kommunen å føre venteliste over pasientar/bukarar som venter på langtidsopphald i sjukeheim eller tilsvarande bustad særskilt tilrettelagd for heildøgns tenester. Regjeringa vil innføre nasjonale kriterium for tildeling av langtids plass i sjukeheim eller tilsvarande etter at det er gjort erfaringar med dei kommunale kriteria og evaluering av forsøka med statleg finansiering av omsorgstenester. Dei nasjonale kriteria er heimla i helse- og omsorgstjenesteloven § 3 2a 3. ledd.

Helse- og omsorgsdepartementet har som mål å få sett i kraft dei resterande lovendringane knytt til kommunale kriterium og venteliste frå 1.7.2017. Dette inneber at dei kommunale forskriftene må vere vedtekne slik at dei kan tre i kraft frå 1.7.2017. Når kommunen

utarbeider forskrifter gjeld reglane i forvaltningslova om utgreiingsplikt, varslingsplikt og høyring. Høyringsuttalane skal vere skriftlege.

Framlegg til lokal forskrift for Luster kommune er utarbeidd i ein brei administrativ prosess. Kommunen sine faste råd og utval vart informert om bakgrunn for saka og framlegget i fellesmøte 18.4.2017. Den 19.4.2017 vart framlegget lagt ut til offentlege høyring av formannskapet, med høyringsfrist 19.5.2017. Det har ikkje kome inn merknadar til saka. Råd for menneske med nedsett funksjonsevne og eldrerådet handsama saka i eige møte 29.5.2017, og dei har heller ikkje merknader til saka.

**Vurdering:**

Den 21.4.2016 vedtok kommunestyret ny samansettjing av tenestetilbodet i omsorgstenesta i Luster. I vedtaket vart langtidsplassane i sjukeheim lagt til Luster omsorgssenter og det vart vedteke etablering av omsorgsplassar med heildøgns tenester ved Gaupne og Hafslo omsorgssenter. Det er i framlegg til forskrift lagt til grunn at langtidsopphald i sjukeheim gjeld opphald/plass ved Luster omsorgssenter. Med grunnlag i intensjonane i lovendringane er det vidare lagt til grunn at omsorgsplassane ved Gaupne og Hafslo omsorgssenter kjem inn under

«.. tilsvarande bustad særskild tilrettelagt for heildøgns tenester».

Omgrepet «venteliste» er nytt og vert definert i forskrifta. Ved tildeling av langtidsopphald i sjukeheim eller omsorgsplass med heildøgns tenester, skal ein vurdere behovet til nye søkerar og alle som står på ventelista. Ventelista gjev slik sett ingen fortrinnsrett til plass, og seinare plasserte pasientar/bukarar kan få plass først dersom deira behov vert vurdert som større.

Framlegget til forskrift for Luster kommune oppfyller etter rådmannen si vurdering lovendringane vedtekne i Stortinget 13.6.2016. Det har ikkje kome inn merknadar til framlegget og rådmannen tilrår at ny forskrift vert vedteke slik den ligg føre i prenta vedlegg.

Dato: 30.5.2017

---

Jarle Skartun  
rådmann

John Olaf Røhme  
Ass. rådmann

---

Særutskrift skal sendast:  
m/kopi til: